



Dadansoddi a Hysbysu

Arolygu ecosystemau; canfod achosion ac effeithiau llygredd

Prif bynciau'r tri mis diwethaf:

- Fflapiau llanwol ar gyfer llyswennod
- Cadw golwg ar dorgochiaid Llyn Padarn
- Ymchwiliadau CFfD
- Ymchwiliad Blaenau Dyfrdwy

Fflapiau llanwol ar gyfer llyswennod

Buom wrthi'n gweithio â'r tîm cyflawni gweithrediadau a'r tîm asedau er mwyn hwyluso ymfudiad llyswennod. Mae'r timau bellach yn defnyddio'r fflapiau llanwol a welwch yma, y gall llyswennod nofio heibio iddynt. Mae bwi bach yn dal y fflap ar agor cyn i bwysau'r llanw ei gau.

Cadw golwg ar dorgochiaid Llyn Padarn

Buom yn gweithio â'r tîm asesu pysgodfeydd er mwyn cadw golwg ar dorgochiaid Llyn Padarn, gan ddefnyddio DIDSON a sawl camera tanddwr er mwyn gweld eu silio nhw yn Afon y Bala. Mae nifer y pysgod sy'n silio'n isel anghyffredin ar hyn o bryd: credwn mai dylanwad y tywydd mwyn sydd i'w feio.



Torgoch Llyn Padarn



Fflap llanwol ar gyfer llyswennod

Ymchwiliadau Cyfarwydddeb Fframwaith Dŵr

Bwriadwn gynnal 15 ymchwiliad i ragnentydd methiannus ledled gogledd Cymru. Ar hyn o bryd, rydym yn gweithio ag aelodau tîm Rheoli'r amgylchedd er mwyn edrych ar ansawdd dŵr Llugwy a Lledr. Hynny er mwyn gweld a yw dŵr asidaidd a metelau'n peri problemau yn y dalgylchoedd hyn.

Blaenau Dyfrdwy – Archwiliad CFfD

Rydym yn cynnal cynllun ymchwilio i fethiannau pysgodfeydd CFfD yn y rhagnentydd uwchlaw llifddorau'r Bala. Golyga hyn ymchwilio i'w heffeithiau ar ymfudiad, goroesiad pysgod a stociwyd, ac arolygu pysgod ifainc am dair blynedd. Nid ychwanegwyd llawer at boblogaeth eogiaid rhagnentydd blaenau Dyfrdwy. Roedd digon o frithyllod uwchlaw rhwystrau naturiol ar y rhagnentydd hyn, felly nid ansawdd y dŵr sydd ar fai.

Am ragor o wybodaeth, cysylltwch â:

Enw **Bob Edwards**

Swydd

Arweinydd y Tîm Dadansoddi a Hysbysu

Ffôn **01248 484010**

E-bost

Bob.Edwards@environment-agency.gov.uk



Troseddu Amgylcheddol

Lleihau troseddau pysgota a gwastraff yng ngogledd Cymru.

Prif bynciau'r tri mis diwethaf:

- Amharu ar Bysgod sy'n Silio
- Gorfodi'r Gyfraith Gocosa

Amharu ar bysgod sy'n silio

Yn Nhachwedd 2011, yn dilyn derbyn gwybodaeth gan y cyhoedd, daliodd Swyddogion Troseddu Amgylcheddol ddau ddyn yn amharu'n anghyfreithlon ar bysgod un o ragnentydd Dyfrdwy.

Gwelodd y swyddog ddau'n lampio rhan o'r afon am 25 munud cyn gadael yn eu cerbyd. Ataliwyd hwnnw gan Heddlu gogledd Cymru a holwyd y dynion gan Swyddogion Troseddu Amgylcheddol. Atafaelwyd dwy lamp a batris y dynion, a hysbyswyd yr heddlu yn eu cylch am droseddau pysgodfeydd. Mae gorfodi'r gyfraith ar y gweill.



Eog yn ymfudo i fyny afon

Gorfodi'r gyfraith gocosa

Yn Rhagfyr 2011 aeth y tîm Troseddu Amgylcheddol, â chymorth Heddlu Gogledd Cymru, i'r afael â chocosa anghyfreithlon yn aber Dyfrdwy, a hynny sawl gwaith.

Yn ystod y cyrchoedd hyn arestwyd 10 dyn ar yr amheuaeth eu bod yn cocosa'n anghyfreithlon. Holwyd hwy, ac atafaelwyd offer cocosa troseddol, gan gynnwys cerbyd, dau drelar, dwy injan cwch, offer cocosa a chocos a gasglwyd yn anghyfreithlon. Mae gorfodi'r gyfraith ar y gweill.



Llun hofrennydd o gocoswyr anghyfreithlon

Am ragor o wybodaeth, cysylltwch â:

Enw **Dylan Williams**

Swydd

Team Leader

Ffôn **01248 484090**

E-bost

Dylan.williams@environment-agency.gov.uk



Pysgodfeydd Technegol

Cynnal a gwella pysgodfeydd

Prif bynciau'r tri mis diwethaf

- Cynllun mapio Pysgota Gwylt Cymru
- Cymorthfeydd pysgodfeydd dalgylchoedd
- Grwpiau gweithgareddau awyr-agored
- Bachau Cylchog

Cynllun mapio Pysgota Gwylt Cymru

Yn rhan o gynllun Pysgota Gwylt Cymru, mae clybiau pysgota'n cael cynnig cyfle i gael cynhyrchu mapiau rhad ac am ddim o'u dyfroedd nhw. Os hoffai unrhyw glwb weld mapio'u dyfroedd, cysylltwch â joel.rees-jones@environment-agency.wales.gov.uk

Mae Pysgota Gwylt Cymru'n fenter Asiantaeth yr Amgylchedd Cymru a raniennir gan Gronfa Datblygu Rhanbarthol Ewrop trwy Lywodraeth Cymru, ac y mae'n rhan o gynllun strategol Cymunedau a Natur Cyngor Cefn Gwlad Cymru.




Cymorthfeydd Pysgodfeydd Dalgylchoedd
Cynaliasom 11 cymorthfa pysgodfeydd yn 13 clwb/cymdeithas enweirio ledled gogledd Cymru yn Nhachwedd 2011. Trafodasom faterion pysgodfeydd yn y cymorthfeydd, gan gofnodi 80 gweithred. Roedd tua dwy ran o dair o'r gweithredoedd cofnodedig i Asiantaeth yr Amgylchedd ddelio â nhw erbyn diwedd Mawrth 2012.



Dyma fachyn tro

Am ragor o wybodaeth, cysylltwch â:

Enw	Julian Bray	Swydd	Arweinydd Tîm Pysgodfeydd Technegol
Ffôn	01248 484085	E-bost	Julian.Bray@environment-agency.gov.uk



Enghraifft o fap pysgodfa

Grwpiau gweithgareddau awyr-agored

Bu gweithwyr Asiantaeth yr Amgylchedd Cymru'n rhoi cyflwyniadau i grwpiau awyr-agored yng ngogledd Cymru. Mae'r cyflwyniadau a groesawyd gan ganolfannau a chymdeithasau awyr-agored wedi codi ymwybyddiaeth o adegau pwysig o'r flwyddyn pan fo eogiaid a brithyllod mudol yn dodwy yng ngraeanau afonydd.

Bachau Tro

Cyhoeddasom ffeithlen ynghylch bachau tro yn Ardal y Gogledd er mwyn hybu a chynghori genweirwyr ynglŷn â'u defnyddio. Cyhoeddwyd y ffeithlen gan ymateb i ymholiad adeg cyfarfod diweddar â genweirwyr Cyfundeb Clwyd.



Pysgodfeydd Technegol

Cynnal a gwella pysgodfeydd

Prif bynciau'r tri mis diwethaf:

- Rhaglen torgochiaid
- Dal celtiaid gan enweirwyr
- Dosbarthiad Cimwch yr Afon Americanaidd
- Graeanau Mawddach

Rhaglen torgochiaid

Fis Hydref 2011 darfu inni ollwng 800 torgoch i Lyn Padarn er mwyn atgyfnerthu'r boblogaeth bresennol. Cafodd Crafnant 1,600 torgoch er mwyn parhau i ddatblygu poblogaeth "wrth gefn", ac yn ystod Rhagfyr ac Ionawr casglasom 3,000 o wyau torgochiaid aeddfed i'w magu ar gyfer eu rhyddhau fis Hydref nesaf.

Dal celtiaid gan enweirwyr

Y llynedd rhoddodd genweirwyr Bangor Iscoed gymorth inni ddal 5 celt eog, yn rhan o'r arbrawf ail-gyflyru'r pysgod i gynhyrchu wyau hyfyw yn ein deorfa ni ym Maerdy. Bu'r arbrawf yn llwyddiannus, a chynhyrchwyd 17,000 wy ar gyfer rhaglen lliniaru Dyfrdwy.



Grwynau graean Mawddach

Torgochiaid

Dosbarthiad Cimwch yr Afon Americanaidd

Mae cimwch yr afon Americanaidd ar gynnydd yn afonydd gogledd Cymru. Maen nhw'n effeithio ar boblogaethau pysgod trwy fwyta pysgod ifainc, felly mae gennym ddiddordeb mewn olrhain eu hymlediad nhw hyd holl afonydd y gogledd, yn enwedig uwchlaw Rhaeadr Llantysilio ar Ddyfrdwy. Os gwelwch un, cofiwch y man, y dyddiad a faint ohonynt sydd yno, yna galwch ein gwasanaethau cwsmeriaid ni ar 03708 506 506 a gofynnwch am air â swyddog bioamrywiaeth lleol.

Graeanau Mawddach

Cynhaliwyd cynllun pysgodfeydd cynaliadwy ar gyfer sefydlu mannau silio eogiaid ym Mawddach. Gosodwyd cyfres o rwynau coed a meini sy'n wynebu at i fyny'r afon, lle gall graeanau silio grynhoi ar gyfer pysgod. Hyn er mwyn gwneud iawn am golli graean wedi llifogydd 2001.

Am ragor o wybodaeth, cysylltwch â:

Enw	Julian Bray	Swydd	Arweinydd Tim Pysgodfeydd Technegol
Ffôn	01248 484085	E-bost	Julian.Bray@environment-agency.gov.uk



Magu Pysgod

Lliniaru difrodi pysgodfeydd

Prif bynciau'r tri mis diwethaf:

- Defnyddio pariad rhagaeddfed
- Oviprim yu ysgogi pysgod I silio ym Maerdy
- Deorfa arbrofol fach Celyn
- Lleihau sylweddol yn syndrome y rhefr coch

Defnyddio pariaid rhagaeddfed i ffrwythloni wyau

Yr hydref diwethaf ffrwythlonwyd cyfran o stoc cynlluniau magu Dyfrdwy, Mawddach, Seiont a Chonwy â phariaid rhagaeddfed ifainc. Ar gyfer pob un afon neilltuol, ffrwythlonwyd rhwng 20-30% o gyfanswm y wyau â'r eogiaid gwryw ifainc hyn. Cedwir yr wyau ar wahân i rai a ffrwythlonwyd ag eogiaid aeddfed yn y deorfeydd, er mwyn arolygu a chymharu cyfraddau goroesi deoriad.

Oviprim yn ysgogi pysgod i silio ym Maerdy

Er mwyn cynorthwyo ag amseru ein gweithgareddau tynnu wyau ni, chwistrellwyd 5 hwyffell ag Ovaprim. Mae'r cymysgedd *in vitro* hormonaidd hwn yn caniatáu inni ddatblygu silwyr hwyr er mwyn cydlynu aeddfediad yn ystod y tymor silio yn y ddeorfa. Nid yw Oviprim yn effeithio ar na hyfywedd na ffrwythlondeb wyau.



Pariaid rhagaeddfed



Enghraifft o'r rhefr coch mewn pysgod yn eogffurf aeddfed

Deorfa arbrofol fach Celyn

Sefydlwyd deorfa fach islaw argae Celyn, ag 800 o wyau eogiaid yn agos at safle'r Ganolfan eogiaid newydd arfaethedig. Yno cadwn olwg ar gyflwr a goroesiad yr wyau eogiaid a'r silod a feigr yno, er mwyn gweld a yw'r ffynhonnell ddŵr ar gyfer y Ganolfan eogiaid newydd arfaethedig o safon digon uchel ar gyfer magu eogiaid.

Lleihau sylweddol yn syndrom y rhefr coch

Gwelwyd llai o syndrom y rhefr coch yn stoc magu eleni. Achosir y syndrom gan y nematod *Anisakis simplex*, ac fe'i ceir yn gyffredin yng ngofod cyrff pysgod morol. Os gwelwch achos yn y dyfodol, galwch y Gwasanaeth Technegol Pysgodfeydd ar 01480 483802.

Am ragor o wybodaeth, cysylltwch â:

Enw Keith Scriven

Swydd

Arbenigwr Technegol – Magu Pysgod

Ffôn 07917072573

E-bost

keith.scrivens@environment-agency.gov.uk